

## Vorrede.

himlischen Bildnussen. Das neunnde / von des himmels Signa-  
ren vnd der Natiuiteten adplicierung ) 8. cap. ( nach vnser  
rechnung das zehende ) Von seinem Eigenen lauff des auff-  
steigens Regen auffgang vnd mitternacht. 9. ( bey vns das  
Zilffte ) die vergleichung mit der Sonnen / wie er Regen der  
selben vnd dem Horizont erschienen. 10. ( in vnser ordnung  
das zwelfft ) Seiner sphaeren gestalt vñ eigenschafft mit der  
himlischen Figur. Das wird vnser ordnung sein auß den er-  
melten *authoribus* gezogen / nach welcher wir den Cometen  
negst erschienen / so viel vnser verstandt vermögen wirdt /  
mit seiner bedeutung vnd Wirkung / beschreiben wollen.

Nachdem wir aber zuvor aus dem *Ptolemaeo* vermeldet /  
das von wegen der großmechtigkeit vnd schweren oder  
tieff sinnigen arbeit / so zu den *Predictionibus astronomicis* ge-  
höret / auch die aller erfahresten in dem *Mathematico studio* /  
zu zeiten etwas haben vbersehen vnd fehlschlagen mögen /  
vmb das sie nicht auffts höchste in der nachsinnung vnd *exa-*  
*mination* aller umbstende / in den vielfachen *motibus* vnd *con-*  
*figurationibus caeli*, kommen oder antreffen: Sol viel mehr  
vns in dieser arbeit / als einem viel weniger geübten vnd er-  
fahrenen der *Mathematica*, etwas widerfahren vnd ein ges-  
brechen vorfallen können / der vns dan vnwissendt entset-  
hen möchte. Welchen wir in keinem wege wollen der löblis-  
chen vnd fürtrefflichen kunst der *Astronomij* zugemessen ha-  
ben / die vber vnd wider irer Erzfeinden felschlichs angeben  
vnd schelten / durchaus vnschuldige hieran entstehet / als die  
nicht genugsam in irer grossen vnd tieff verborgenen heim-  
lichkeit ergründet / wird gewesen sein. Nichts desto weniger  
sol alles das angezeigt vnd eröffnet werden / was die anweis-  
sung obgedachtes *Methodi* wird mit sich bringen / vnd dar-  
ran / so viel an vns gelegen / keinen fleiß sparen / auch nicht  
ansehen